

ТОШКЕНТ ОҚШОМИ

2006 йил, 19 январь, пайшанба

Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСІЙ КУНДАЛИК ГАЗЕТАСИ

№ 12 (10.569)

Баҳоси эркин нарҳда

ПОЙТАХТНИНГ БИР КҮНИ

Янгиликлар, воқеалар

Касба сатрларда

● **КЕЧА** Миллий хунармандчилик касб-хунар коллежида «Маънавият ва маърифат» марказининг Учтепа туман бўлими ташаббуси билан ўтказилган тадбир «Ҳеч кимга бермаймиз сени, Ўзбекистон» деб номланди.

● **БУГУН** «Кўйлик» деҳқон бозорига Хомийлар ва шифокорлар йилида амалга оширилиши лозим бўлган ишлар муҳокамасига бағишланган семинар «Маънавият ва маърифат» марказининг Бектемир туман бўлими томонидан уюштирилди.

● **БУГУН** Тошкент Алоқа коллежида «Маънавият ва маърифат» марказининг Шайхонтоҳур туман бўлими ташаббуси билан ўқувчилар, ўқитувчилар иштирокида ўтказилган давра суҳбати «Ватаним севмоқ иймандандир» деб номланди.

● **КЕЧА** Ҳамза қурилиш касб-хунар коллежида «Маънавият ва маърифат» марказининг Ҳамза туман бўлими ташаббуси билан ўтказилган тадбир «Аёл ва ҳуқуқ» деб номланди.

● **ТОШКЕНТ** Тиббиёт академик лицейида **БУГУН** «Аёл, жамият ва дин» мавзuida уюштирилган давра суҳбатида ўқувчилар, ўқитувчилар иштирокида тадбир ўтказилди.

● **БУГУН** «Таъминотчи-хизматчи» очик акциядорлик жамиятида «Маънавият ва маърифат» марказининг Сергели туман бўлими томонидан уюштирилган давра суҳбати Хомийлар ва шифокорлар йилига бағишланди.

● **ЯККАСАРОЙ** туманидаги 160-мактабда 1-синф ўқувчилари иштирокида «Алифбек» байрами бўлиб ўтди.

● **БИЛЛУР** идишлар ишлаб чиқаришга ихтисослашган «Оникс» акциядорлик жамиятида Сихат-саломатлик йилида бажарилган ишлар ҳамда Хомийлар ва шифокорлар йилига белгилаб олинган вазифалар муҳокамасига бағишланган йиғилиш бўлиб ўтди.

● **ХОМИЙЛАР** ва шифокорлар йили муносабати билан Республика санитария-эпидемиология назорати марказининг юкмили касалликларни аниқловчи лабораторияси замонавий тиббиёт жиҳозлари билан таъминланди.


● **АВТОМОБИЛЛАР** учун сифатли аккумуляторлар ишлаб чиқаришга ихтисослашган «Осиё — батарея» Ўзбекистон-Туркия қўшма корхонасида шитларни қоплашга мўлжалланган пластик цех ишга тушди.

● **ЎТГАН КУНИ** Миробод қурилиш касб-хунар коллежида «Маънавият ва маърифат» марказининг Миробод туман бўлими ҳамкорлигида уюштирилган «Соғлом авлод — юрт келажаги» мавзuidaги спорт мусобақаларида касб-хунар коллежининг ўқувчилари беллашилди.

● **КЕЧА** 256-мактабда ўтказилган «Балли, йигитлар!» кўрик-танлови Мирзо Улугбек туман халқ таълими бўлими, туман ўқувчилар ижодиёти маркази ҳамда «Камолот» ЕИХ туман бўлими ҳамкорликларида уюштирилди.

Тошкент шаҳар ҳокимлиги Матбуот хизмати ва ўз мухбирларимиз хабарларидан.

ПОЙТАХТИМИЗДА АМАЛГА ОШИРИЛАЁТГАН БУНЁДКОРЛИК ИШЛАРИНИНГ КЎЛАМИ ШАҲАР КИЁФАСИДА, ГЎЗАЛ ЖАМОЛИДА, ҲАМШАҲАРЛАРИМИЗГА ЯРАТИЛАЁТГАН КУЛАЙЛИК ВА ФАРОВОНЛИКДА ЯҚҚОЛ АКС ЭТМОҚДА.



Қурилиш майдонларида

ЯНА БИР КЎПРИК ҚУРИЛМОҚДА


Бунёдкорларимизнинг ғайрат-шижоати намойиши бўлган мухташам иморатлар, замонавий турар жой бинолари, талабалар даражасидаги мактаб, лицей ва касб-хунар коллежлари, равоён йўллари мустақкам кўприклар кўрки бугун кўз ўнгимизда кўркамлигини намоеён этмоқда.

Янги йилнинг илк ойида ҳам қишнинг совуқ кунларига қарамай қурувчилар ўз «постлари» — бунёдкорлик майдонларида фаолиятларини қизитиб юборишди. Улар орасида «Кўприкқурилиш» трестига қарашли 13-кўприк қуриш отрядининг ўзига хос ўрни бор. Ўтган йилда зиммаларидаги вазифаларни муваффақиятли адо этиб, пойтахтимиздаги кичик ва катта Халқа йўли йўналишлари бўйича ҳамда республикамизда қад ростлаган бошқа кўприклар қурилишида жонбозлик кўрсатган отряд кўприксоzlари шахримиздаги кичик Халқа йўли кўчасида меҳнат қилишмоқда. Бу ерда кичик Халқа йўли йўналишидаги «Бўзсув»

канални устидан ўтган кўприк қайта қурилиб, кенгайтирилмоқда ва транспорт қатнови учун қулайликлар яратилмоқда.

Кўприк фойдаланишга топширилгач, икки томонлама транспорт қатнови 8 қаторни ташкил этади. Кўприкнинг умумий узунлиги 55, кенглиги эса 41 метр бўлиб, икки тарафда пиёдалар йўлига ҳам қурилмоқда.

Ушбу кўприк қурилишида 30 нафардан зиёд малакали ишчи-хизматчиларимиз иштирок этишмоқда, — дейди бош пудратчи — 13-кўприк-қурилиш отряди бош муҳандиси уринбосари Қобил Алихўжаев. — Шунингдек, ишни маромда ва сифатли олиб бориш учун керакли техника воситаларидан, кўприк қурилиши, мустақкам-лигини таъминлашда зарур ашёлардан самарали фойдаланаямиз. Хозирда ишни 2 сменада ташкил этганмиз. Малакали кўприксоzlаримиз К.Пенков, Б.Махмудов, В.Прон-



гин, А.Рафиқов, И.Кулишев ва бошқалар тажрибаларини ишга солишмоқда. Объектни Наврўз байрами арафасида фойдаланишга топшириш ниятидამиз. Бунинг учун бутун имкониятлар ишга солинган ва кўприксоzlаримиз улардан оқилона фойдаланаяпти.

Шуни айтиб ўтиш жоизки, отрядда 500 нафарга яқин бунёдкор меҳнат қилмоқда. Улар нафақат пойтахтимизда, балки республикамиз бўйлаб катта-катта кўприклар бунёд этишда фаоллик кўрсатишмоқда. Хозирда отряд кўприксоzlари Тошгузар-Бойсун — Қумкўрғон темир йўлининг 15-29 пикетида ҳамда Тошкент вилоятидаги Қушлик станциясида Қорасув канали устидан темир йўл кўприкларини бунёд этиш ишларида ҳам ғайрат-шижоат билан ишлашмоқда. Шунингдек, жорий йилда қурилиши давом эттирилаётган кичик Халқа йўли бўйлаб ўтадиган кўприкларини ҳам отряд кўприксоzlари қуришди.

Кўприк қуриш савобли ишлардан саналади. Ана шу савоб ишни тинмай амалга ошираётган кўприк бунёд этувчилар тажрибаю маҳоратларини эл-юрт фаровонлигига бағишляётганидан, транспортчиларга қулайлик яратиб, юртга қўрқ бўладиган мустақкам иншоотлар қураётганидан ҳаммиша фахрланишади.

Шарифа ИЛЁСОВА
СУРАТЛАРДА: кўприк қурилишдан лавҳалар Ҳакимжон Солихов олган суратлар

ЯХШИ ШАРОИТ ЯХШИ ЎҚИШНИ ТАҚОЗО ЭТАДИ

ПРЕЗИДЕНТИМИЗ ИСЛОМ КАРИМОВ ТАШАББУСИ БИЛАН ПОЙТАХТИМИЗДА АМАЛГА ОШИРИЛГАН КЕНГ КЎЛАМДАГИ ҚУРИЛИШ, ОБОДОНЛАШТИРИШ ВА ТАЪМИРЛАШ ИШЛАРИ НАТИЖАСИДА ҚИСҚА ФУРСАТДА «ЁШЛИК» ТАЛАБАЛАР ШАҲАРЧАСИ БУТУНЛАЙ ЯНГИ КИЁФА КАСБ ЭТДИ. ЭНДИЛҚДА ЗАМОН ТАЛАБЛАРИ АСОСИДА ҚАЙТА ҚАД РОСТАЛГАН БИНОЛАР — ТАЛАБАЛАР ТУРАРЖОЙЛАРИ, СПОРТ ИНШОТЛАРИ, ХИЗМАТ КЎРСАТИШ ОБЪЕКТЛАРИ КЎЗНИ ҚУВОНТИРАДИ. ЯҚИН-ЯҚИНГАЧА ДЕРАЗАЮ ОЙНАЛАРИ СИНИБ, ЭШИК-У ДЕВОРЛАРИ ПУТУРДАН КЕТГАН БЕФАЙЗ «ЁТОҚОНА»ЛАР ЭНДИ ЎТМИШГА АЙЛАНДИ.

шароитнинг муҳайёлиги билан кўзни қувонтиради. Ундаги ошхона, кутубхона, спорт, ювенил, дам олиш хоналари замонавий техник ускуналар, компьютерлар, кундалик зарур машини жиҳозлар ҳам талабалар хизматида.

Бундай қулайликлардан нафақат мамлакатимиз ёшлари вакиллари, балки олий ўқув юрталарида тахсил олаётган хорижий талабалар ҳам баҳраманд бўлишмоқда. Ўзини Кэнжи Миако деб таништираган Йигит Япониянинг Фукуока шаҳридан экан.


Хён шу факультет магистранти: — Ўзбекистонга келганимга олти йилдан ошди, — дейди у. — Халқингизнинг маданиятига, тарихига жуда қизиқаман. Ўзбек тилини ҳам ўрганиб олдим. Мен жаҳонда қандан-кам мамлакатларда ўқийдиган шундай гўзал гўша — Талабалар шаҳарчасидаги дорилфундуна ўқийётганимдан фахрланаман. Президент Ислам Каримов ёшларнинг пухта билимли бўлиб камол топиши борасида қилаётган гамхўрликларни тахсинга лойиқдир.

Тошкент Давлат техника университетининг 71-талаба қизлар тураржойида бўлган киши бу ерда яшайдиган ёшларга ҳавас қилиши тайин. Бир юз саксон тўрт нафар қизга мўлжалланган бино жуда файзли ва шинам. Унда отаналар хоналари, тиббий кўрик хоналари, тренажер зали, ошхона ва бошқа хоналарда дарсдан бўш вақтни мазмунли ўтказиш учун барча имкониятлар мавжуд.


Мазкур университет нефть ва газ факультетининг учинчи босқич талабаси Гулжон Тўртқўлбоева Қоракалпоғистон Республикасининг Қўнғирот туманидан. — Биз, ёшларнинг порлоқ келажагини ўйлаб амалга оширилаётган бу эзгу ишлар нафақат талабаларнинг, балки олисдаги ота-оналаримизнинг ҳам қувончига қувонч қўшмоқда, — дейди у. — Яратилган қулайликлар бизни янада яхши ўқишга, илғор ва фаол бўлишга ундайди. Айни пайтда бундай шароит ва имкониятларнинг қадрига етиш, асраб-авайлашимиз зарур.

Назокат УСМОНОВА,
Ўза мухбири

«ЁШЛИК» ШАҲАРЧАСИДАГИ БЕТИМСОЛ ЎЗГАРИШЛАРДАН ТАЛАБАЛАР МАМНУН ВА МИННАТДОР



Бугунги кунда шаҳарчада ёшларнинг ўқиши, яшashi, дам олиши ва спорт билан шуғулланиши учун барча зарур шароит муҳайё. Савдо ва хизмат кўрсатиш шохобчалари, чеварлик устaxonалари, талабалар поликлиникаси ёшлар хизматида. Янги спорт мажмуалари ва сузиш ҳавзалари барпо этиляпти.



Айни кунларда ушбу маскан киши таътилдан қайтган талабалар билан гавжум. Бу ерда Тошкент Давлат юридик, авиация, молия, санъат институтлари, Мирзо Улугбек номидаги Ўзбекистон Миллий университети, Абу Райхон Беруний номидаги Тошкент Давлат техника университети ҳамда талай академик лицей ва касб-хунар коллежларининг талабалар тураржойлари мавжуд. Шаҳарча худудига жами йигирма олти таълим муассасасида қирқ минг нафардан зиёд талаба ва ўқувчи таълим олади.

— Биз, ёшлар учун яратилаётган бундай қулай имкониятлар,

XXI АСР САДОСИ

БАРЧА МАНБАЛАРДАН ОЛИНГАН СЎНГГИ ХАБАРЛАР

МАМЛАКАТИМИЗДА

● Тошкентда БМТ ҳамкорлигида «Жамият, атроф-муҳит ва барқарор ривожланиш» мавзuida семинар ўтказилди. Унда 2006 йилда Марказий Осиё давлатларининг минтақавий учрашувида Ўзбекистоннинг иштироки масаласи муҳокама қилинди. Шунингдек, семинарда 2000 йилда Минг йиллик Декларацияси бўйича Ўзбекистоннинг ўз зиммасига олган мажбуриятларининг бажарилиши кўриб чиқилди.

● Фарғонада Президентимизнинг 2005 йил 5 октябрдаги «Тадбиркорлик субъектларини текширишни янада қисқартириш ва унинг тизимини тақомиллаштириш чоратadbирлари тўғрисида»ги Фармони ҳамда Вазирлар Маҳкамасининг тегишли қарори ижросини таъминлаш юзасидан ҳудудий назорат органлари зиммаларидаги вазифаларга бағишланган ўқув-семинари бўлиб ўтди.

● Бозор кўникмаларини ривожлантириш марказида Ўзбекистон Бизнес фанлари ўқитувчилари ассоциацияси аъзоларига халқаро сертификатларни топшириш тантанали маросими бўлиб ўтди. Сертификатлар молиявий соҳада фаолият кўрсатаётган мутахассисларга топширилди.

● Андижон вилоятининг Хўжабод туманидаги 1- ва Кўрғонтепа туманидаги 3-мактаблар замонавий асбоб-ускуналар, энг янги ташкилий техника воситалари, мебель ва жиҳозлар билан таъминланди. Гап шундаки, ушбу мактаблар халқ таълими ходимларини қайта тайёрлаш ва малакасини ошириш вилоят институти қошида ташкил этилган масофадан туриб ўқитиш ҳудудий маркази таркибига киритилган.

● Шаҳрихондаги «Ривож-ТЯН Жинь» Ўзбекистон-Хитой қўшма корхонаси жамоаси биноларнинг томини ёпишда ишлатиладиган черепицалар ишлаб чиқаришни йўлга қўйди. Йилига 400 миллион сўмликдан ортик қурилиш материаллари тайёрлаш қувватига эга бўлган янги цехнинг ишга туширилиши ўнлаб ёшларнинг муқим иш жойига эга бўлиш имконини берди.

● Навоий шаҳридаги марказий деҳқон бозорига «Ипотекабанк» акциядорлик-тижорат банкининг вилоят филиали ўз фаолиятини бошлагани маҳаллий тадбиркор ва деҳқонлар учун катта қулайликлар яратмоқда.

● Хомийлар ва шифокорлар йилида Бувайда туманидаги Ойдинқўл қишлоғи аҳолиси учун ўзига хос қулайлик яратилди. Бу ерда 5 минг нафар аҳолига хизмат кўрсатишга ихтисослашган янги қишлоқ врачлик пункти фойдаланишга топширилди.

● Тошкентдаги «VIP servis NBU» спорт мажмуасида «New Asian Style-2006» номли спорт расклари бўйича аънавий турнир бўлиб ўтди. «Меҳрхон спорт» республика жамоатчилиги хайрия жамғармаси «Феникс» рақс спорт клуби билан ҳамкорликда ташкил этган ушбу мусобақаларда Тошкент шаҳри ва пойтахт вилоятидаги 18 та рақс спорт клубидан 250 дан ортик спортчи катнашди.

● Қашқадарё вилоят хотин-қизлар кўмитаси вилоят маданият ва спорт ишлари бошқармаси билан ҳамкорликда «Қашқадарё ўғлонлари» кўрик-танловини ўтказди. Унда йигитлар танишув, тезкор савол-жавоблар, «Ким кучли» баҳси ва эркин беллашувлар орқали ўзаро куч синашди.

ЖАҲОНДА

● Финляндияда Президент сайловларининг иккинчи турига олдиндан овоз бериш жараёни бошланди. Унда номзод ўзаро кураш олиб бораётган иккинчи турда асосий овоз бериш куни 29 январга белги-ланган бўлиб, бироқ барча хоҳловчилар бу ишни 18-24 январь кунлари ҳам амалга оширишлари мумкин.

● Пекинда бўлиб ўтган халқаро конференция парранда гриппига қарши курашни кучайтириш масалаларига бағишланди. Унда БМТ Бош қотиби Кофи Аннан сўзга чиқиб жаҳон жамоатчилиги парранда гриппининг глобал пандемиясига тайёр эмаслигини таъкидлаган ҳолда халқаро жамғарма тузишни тезлаштириш кераклиги ҳақида тақлиф билдирди.

● Қозогистон парламенти Даниал Ахматовни Бош вазир этиб тайинлашга розилик билдирди. Мазкур қарорни депутатлар бир овоздан мамлакат парламенти мажлисида қўллаб-қувватлашган. Таъкидлаш жоизки, Қозогистон қонунларига кўра, Бош вазир ваколати парламент розилиги ва президент тасдиғидан сўнг кучга кирилади.

● Молдованинг собиқ мудофаа вазири Валерий Пасат шу лавозимда фаолият кўрсатаётган пайтида АҚШга арзон нарҳларда ҳарбий самолётлар сотгани учун суд ҳукмига кўра ўн йилга озодликдан маҳрум этилди.

● Японияда ҳаракатланиш йўналишини белгилашга мўлжалланган сенсор тизимида юзага келган носозликлар туфайли Ер сайёраси сатҳини кузатувчи АЛОС сунъий йўлдошини коинотга чиқариш мuddати кечиктирилди.

ОБ-ҲАВО МАЪЛУМОТИ

Гидрометеорология Бош бошқармасининг хабар беришича, 20 январь куни Тошкентда ҳаво ўзгариб туради, қор ёғиши мумкин, туман тушади. Фарбдан секундида 7-12 метр тезликда шамол эсади. Кечаси ва кундузи 6-8 даража совуқ бўлади.

